

TE 'TOU GALUEGA TALAI

IUNI 2013

TE VAIASO E KAMATA I A IUNI PO 10

Te Pese e 114 mo te 'Talo

□ **Sukesukega a te Fakapotopotoga ki te Tusi Tapu:**

bt mata. 8 ¶1-7, fakamatalaga fakaopoopo i. 69, 70 (30 minu.)

□ **Te Akoga mō Tino Talai:**

Faitauga ki te Tusi Tapu: Galuega 1-4 (10 minu.)

Napa 1: Galuega 1:15–2:4 (4 minu. io me mu 'tana ifo)

Napa 2: Kaia e Pulou ei a Ulu o Fāfine Kelisiano i Nisi Taimi?—lv mata. 4 pala. 17 mo te mataupu fakaopoopo i te itulau e 239-242 (5 minu.)

Napa 3: Kaia e Mafai ei o Faka'pau a Mafaufauga o Tino e Tokouke ki se Ea Poisini?—Efe. 2:1, 2 (5 minu.)

□ **Te Fakatasiga mō te Galuega Talai:**

Te Pese e 85

10 minu: **Te Tāua o te Kilo Tonu Atu ki te Tino.** Se läuga telā e fakavae ki te tusi ko te Ministry School, te itulau e 124, te palakalafa e 1, ki te itulau e 125, te palakalafa e 4. Ko fai ei se fakaasiga ne se tino talai telā e se kilo tonu atu ki te tino i te taimi e talai atu ei a ia. Ka oti, ko toe fai te fakaasiga, kae i te taimi tenei, ko kilo 'tonu atu a te tino talai.

10 minu: **Ne a Mea ko Oti ne Fai ne Tatou?** Se sau'talaga telā e fai ne te failautusi. Ke taku atu a mea ne fai ne tatou i te vaitaimi o te Fakamanatuga, kae fakanālō atu ki te fakapotopotoga mō galuega ne fai ne latou. 'Kami atu a te kautaina ke taku mai ne latou a tala 'gali i te taimi ne tufafu atu ei ne latou a pepa 'kami ki te Fakamanatuga io me ko te taimi ne tavini atu ei latou e pelā me ne paenia lagolago.

10 minu: "E Mata, e Toka Koe o Fai a 'Fuliga?" Fesili mo tali.

Te Pese e 74 mo te 'Talo

E Mata, e Toka Koe o Fai a 'Fuliga?

¹ I te 1 Kolinito 7:31, e fakatusa ne te Tusi Tapu a te lalolagi ki se koniseti telā e mafuli'fuli faeloa a mea kolā e 'tupu i ei mo tino. Ona ko mafuli'fuliga i te lalolagi, e manakogina i ei ke fai ne tatou a fakamafuli'fuliga ki te auala e talai atu ei tatou,

1. Ne a fakamafuli'fuliga e 'tau o fai ne tatou ona ko te mafuli'fuli o mea kolā e 'tupu i te lalolagi?

fakasologa o mea e 'tau o fai ne tatou, mo 'tou fakamatalaga. E mata, e tokatoka koe o fai a 'fuliga?

² **Te Auala e Talai Atu ei Tatou:** Ko oti faeloa ne fai a fakamafuli'fuliga i te fakapotopotoga Kelisiano. I te taimi muamua ne uga atu ei ne Iesu ana soko, ne fai atu a ia ki a latou ke se ave ne meakai io me ne pausi tipe. (Mata. 10:9, 10) Kae fakamuli, ne toe fakamafuli ei ne ia a fakatonuga konā me ne mafaufau a ia ki faifaiga ma'sei ka oko atu ki ana soko mo te faiga foki o te galuega talai i se auala tai lasi atu i nisi koga. (Luka 22:36) I te fia selau tausaga ko 'teka atu, ko oti eiloa ne fakaaoga ne te fakapotopotoga a leova a auala kese'kese ke talai atu ei—ko tamā pepa, fakasalalauga i letio, motoka mo mea faka'lasī leo—e 'tusa loa mo mea e manakogina i te taimi tenā. I aso nei, ona ko te faigata ke maua atu a tino i fale, ko oti ne fakamalosi aka a nisi auala ke fai ei te galuega talai mai fale ki fale mo te talai atu i mua o tino katoa i so se taimi. Ko oti foki ne fakamalosi mai ki a tatou ke olo atu mai fale ki fale i fakaafiafi māfai e olo atu a tino o ga'lue i te ao. E pelā eiloa mo te kaliota afa telā e fulifuli faeloa te koga e tele atu ki ei, e a, e tautali fakapilipili atu eiloa koe ki ei?—Eseki. 1: 20, 21.

³ **Au Fakamatalaga:** Ne a mea e manava'se nei ki ei a tino i tou koga talai? Mea tau tipe? Kāiga? Tāua? E aoga eiloa ke iloa ne koe a fakalavelave mo fakanofonofoga masani i aso nei ko te mea ke fakatoka ne koe se fakamatalaga telā e fetaui 'lei. (1 Koli. 9:20-23) Kafai e fakaasi mai ne tino i te fale a mea e manava'se latou ki ei, i lō te sona tali atu fua kae fai loa 'tou fakamatalaga, e sili atu eiloa i te 'lei ke toka tatou o fai a 'fuliga ki 'tou fakamatalaga e uiga ki mea e manava'se latou ki ei.

⁴ Ko pili nei o fakagata atu a toe "mea kolā e 'tupu" i te lalolagi tenei, kae ka kamata mai i ei a te fakalavelave lasi. "Ko toetoe te taimi koi 'toe." (1 Koli. 7:29) Ko se faka'tau eiloa i te tāua ke toka tatou o fai 'fuliga e aunoa mo te fakatalave, ko te mea ke mafai ne tatou o fai a mea e uke i te taimi toetoe tenei koi 'toe!

2. Kaia e 'tau ei o toka tatou o fai a 'fuliga i te taimi e tau'tali fakapilipili atu ei ki te fakapotopotoga?
3. E fesoasoani mai pefea a te toka o fai 'fuliga i 'tou fakamatalaga i te faiga ke momea aka 'tou ma'goi i te akoako atu i 'tou koga talai?
4. Kaia e 'tau ei o toka fakavave tatou o fai a 'fuliga?

TE VAIASO E KAMATA I A IUNI PO 17

Te Pese e 48 mo te 'Talo

□ Sukesukega a te Fakapotopotoga ki te Tusi Tapu:

bt mata. 8 ¶8-16 (30 minu.)

□ Te Akoga mō Tino Talai:

Faitauga ki te Tusi Tapu: Galuega 5-7 (10 minu.)

Napa 1: Galuega 5:17-32 (4 minu. io me mu-tana ifo)

Napa 2: Se a te Mea e Tau o Fai ne se Tino ke Iloa 'Lei a la ne Ieova?—2 Timo. 2:19 (5 minu.)

Napa 3: E Fakaasi Atu Pefea ne Tatou te Āva ki Tino Katoa? (1 Petelu 2:17)—lv mata. 4 pala. 18-21 (5 minu.)

□ Te Fakatasiga mō te Galuega Talai:

Te Pese e 61

15 minu: Fesoasoani Atu ki Tau Akoga Faka-te-Tusi Tapu ke Fai mo Fai se Tino Talai. Se sau'talaga telā e fakavae ki te tusi ko te Fakatoka, mataupu e 8 (Itulau e 79-83), te itulau e 4, te palakalafa e 6, ki te 'toe'fesili i te itulau e 5.

15 minu: "Ko Momea Aka a Avanoaga ke Tavae Atu ki a Ieova." 'Fesili mo tali. Ke faka-sau'tala malie aka se tino talai e tokotasi io me e tokolua kolā ne paenia lagolago i te āsiga a te ovasia o te fenua.

Te Pese e 9 mo te 'Talo

lagolago i ei. E mafai o 'kau atu a paenia lagolago katoa ki te fono kātoa telā e fai ne ia mo paenia tumau mo paenia fakapito. E fakauiga i ei me kafai foki loa e se mafai o paenia tatou mō itula e 50, koi mafai eiloa o 'tavae atu ki a Ieova' i se auala lasi 'ki, e pelā me ne paenia lagolago, fakafa taimi i te tausaga mō itula e 30!—Sala. 109:30; 119:171.

2 Te Āsiga a te Ovasia o te Fenua: Nei la, ko mafai o uke atu a tino ka paenia lagolago i te āsiga a te ovasia o te fenua kae ka fia'fia foki ki fakamalosiga kolā e maua mai i te ga'lue fakatasi mo ia i te galuega talai. (Loma 1: 11, 12) Kāti ka puke ne paenia lagolago e tokouke se aso malōlō i te vaiaso ke ga'lue fakatasi mo te ovasia o te fenua. A latou kolā e ga'lue i aso o te vaiaso e mafai o fakamolemole atu ke ga'lue fakatasi latou mo ia i te Aso Ono io me ko te Aso Sa. E se gata i ei, e lasi 'ki te fakamalosiga e maua ne paenia lagolago ke 'kau atu ki te fono mō paenia fakatasi mo paenia tu-mau mo paenia fakapito!

3 I a Mati mo Apelila: A latou kolā e faka-aoga faka'lei ne latou a te fakatokaga mua ke paenia lagolago mō itula e 30 i se masina e tasi i te vaitaimi o te Fakamanatuga ko mafai o tapolo atu nei olotou "taulaga o vikiga"! (Epe. 13:15) E fai eiloa a Mati mo Apelila mo fai ne toe masina 'lei ke fakalauefa atu tau taviniga e pelā me se paenia lagolago. I tausaga takitasi i masina konā, e 'kau atu eiloa tatou ki se galuega fakafafia ke 'kami atu a nisi tino ke 'kau mai ki te Fakamanatuga. E se gata i ei, ona ko te tokouke o tino ko momea aka olotou mea e fai i te galuega talai i te vaitaimi o te Fakamanatuga, e mafai eiloa o ga'lue tasi tatou mo tino talai kese'kese. Mai tua o te Fakamanatuga, e mafai o toe asi atu tatou ki tino fia'fia kolā ne 'kau mai kae toe fakamalosi atu foki latou ke 'kau mai ki te lāuga fakapito mō tino katoa. E mata, ka fakaosofia tou loto ke fakaaoaga faka'lei a avanoaga fakaopoopo konai ke paenia lagolago?—Luka 6:45.

1. Ne a mea 'gali ka maua ne tino kolā e paenia lagolago i te āsiga a te ovasia o te fenua?
2. Se a te fakatokaga fou ka fesoasoani mai ki a tatou ke 'tavae atu ki a Ieova' i se auala lasi 'ki?
3. Kaia e fai ei te vaitaimi o te Fakamanatuga mo fai se taimi tafasili i te 'lei ke paenia lagolago?

TE VAIASO E KAMATA I A IUNI PO 24

Te Pese e 123 mo te 'Talo

□ Sukesukega a te Fakapotopotoga ki te Tusi Tapu:

bt mata. 8 ¶17-24, fakamatalaga fakaopoopo i. 75 (30 minu.)

□ Te Akoga mō Tino Talai:

Faitauga ki te Tusi Tapu: Galuega 8-10 (10 minu.)

Fesili o te Akoga mō Tino Talai (20 minu.)

□ Te Fakatasiga mō te Galuega Talai:

Te Pese e 93

10 minu: Te Pogai e Fai ei 'Tou Lipoti mō te Galuega Talai. Se sau'talaga telā e fakavae ki te tusi ko te Fakatoka, (Itulau e 83-91), te itulau e 7, te palakalafa e 2, ki te itulau e 8, te palakalafa 1. Fakamalosi atu ki tino talai ke tuku mai olotou lipoti i te kamataga o masina takitasi.

10 minu: "Ke Ati Aka se Fakavae 'Mautakitaki." Mai tua o te sau'talaga ki te mataupu, ke fai se fakaasiga o se akoga faka-te-Tusi Tapu telā ko fakati te palakalafa e 23 o te mataupu e 19 o te tusi ko te Akoakoga a te Tusi Tapu kae fakatoka a te tino akoga ke kamata a te tusi ko te Alofa o te Atua i te suā vaiaso.

10 minu: Te Tusi Telā ka Ofo Atu i a Iulai mo Aokuso. Se sau'talaga. Ke mafau'fau malie ki mataupu kese'kese i te polosiuia ko te Tala 'Lei. Ke fai se fakaasiga ki te auala e mafai ei o ofo atu mai te fakaaoagaga o pati fakatomua fesoasoani i te itulau e 4, io me se isi mea aka i te lōmiga o Te 'Tou Galuega Talai i a Mati 2013.

Te Pese e 129 mo te 'Talo

Ke Ati Aka se Fakavae 'Mautakitaki

E pefea te leva e 'tau ei o sukesuke mo se akoga faka-te-Tusi Tapu telā e gasolo atu ki mua? Se mea tafasili i te 'lei ke tumau eiloa i te sukesuke mo se akoga faka-te-Tusi Tapu penā ke oko ki te taimi e palele ei a tusi e lua—*Ne a Mea e Akoako 'Tonu Mai i te Tusi Tapu?* mo te *Ke Tumau i te "Alofa o te Atua."* E 'tau eiloa o fai te mea tenei faitalia me ko otī ne papatiso a te akoga faka-te-Tusi Tapu a koi tuai o palele atu a tusi e lua konei. Mai tua o tena papatisoga, e mafai eiloa o lipoti ne tatou a te taimi, toe asiga, mo te akoga. Kafai e kau mai se tino talai ki a tatou kae fai foki tena tusaga i te akoga, e mafai foki o lau ana taimi. Kafai e fakati ne tatou a tusi e lua mo se akoga faka-te-Tusi Tapu, e fesoasoani atu ei tatou ki a latou ke faka-'mautakitaki olotou vae i "te auala telā e tau atu ki te ola."—Mata. 7:14.

Fesili o te Akoga mō Tino Talai

Ka mafau'fau eiloa ki fesili konei i te Akoga mō Tino Talai i te vaiaso telā e kamata mai i a Iuni 24, 2013. E aofia a te po o te masina ne fai ei te fakamatalaga tenā ko te mea ke fai a sukesukega i te taimi e fakatoka ei mō te akoga i vaiaso takitasi.

1. Se a te mea ne fakauiga ki ei a Iesu i ana pati kolā ne fakamau i te Ioane 3:14, 15: "E pelā eiloa mo te sikiakaga ki luga ne Mose a te gata i te koga lavaki, e penā foki te Tama a te tagata, e 'tau o siki aka ki luga"? [Me 6, gt mata. 17 pala. 5]
2. Ko te taimi fea e maua ei ne soko o Keliso a te ola, io me maua ne latou te ola katoatoa? (Ioa. 6:53) [Me 13, w08 1/4 itu. 31 pala. 1]
3. Fakamatala mai aka a te auala ne fakaasi mai ei ne Iesu tena Tamana ki tino sē 'lei katoatoa. (Ioa. 8:28) [Me 20, w11 1/5 itu. 7 pala. 2, 3]
4. Ne a mea e tauloto ne tatou mai i te taimi ne "tagi ei a Iesu" i te matega o tena taugaso? (Ioa. 11:35) [Me 20, w12 1/4 itu. 12 pala. 10]
5. Se a te akoakoga tāua 'ki ne tuku mai ne Iesu i te 'fuluga ne ia o vae o ana soko? (Ioa. 13: 4, 5) [Me 27, w00 1/12 itu. 17 pala. 20]
6. E mafai pefea o fai a te agaga o te Atua mo fai se takitaki telā e fakatalitonugina mō tatou? (Ioa. 14:26) [Me 27, w11 1/12 itu. 20 pala. 9]
7. I te Ioane 21:5 se a te mea e fakasino atu ki ei a "mea konei," kae se a te akoakoga e mafai o tauloto ne tatou mai i ei? [Iuni 3, w08 1/4 itu. 32 pala. 11]
8. E 'tusa mo te Galuega 2:44-47 mo te Galuega 4:34, 35, se a te uiga telā e 'lei ke fakaakoako atu ki ei a Kelisiano? [Iuni 10, w08 1/5 itu. 30 pala. 5]
9. E mata, e 'talo atu a Setefano ki a Iesu i te tala telā e fakamau i te Galuega 7:59? [Iuni 17, w08 1/5 itu. 31 pala. 3]
10. E mafai pefea o tau'tali atu tatou ki te fakaakoakoga 'lei a Panapa, kae ne a mea aoga ka maua ne tatou mai i ei? (Galu. 9:26, 27) [Iuni 24, bt itu. 73 pala. 19]

TE VAIASO E KAMATA I A IULAI PO 1

Te Pese e 69 mo te 'Talo

□ Sukesukega a te Fakapotopotoga ki te Tusi Tapu:

bt mata. 9 ¶1-7, fakamatalaga fakaopoopo i. 76, 78 (30 minu.)

□ Te Akoga mō Tino Talai:

Faitauga ki te Tusi Tapu: Galuega 11-14 (10 minu.)

Napa 1: Galuega 11:1-18 (4 minu. io me mu'tana ifo)

Napa 2: I ai te Pulega e 'Tau o Fakalogo Au ki ei?—/v mata. 4 pokisi i te itulau e 48 (5 minu.)

Napa 3: Ko oi Eiloa Ou Taugasoa?—Sala. 119:63 (5 minu.)

□ Te Fakatasiga mō te Galuega Talai:

Te Pese e 70

10 minu: Manatu mō te Ofoatuga o Te Faleleoleo Maluga. Se sau'talaga. Ke faka-aoga se 30 ki te 60 sekone ke fakamatala mai a te pogai ka fia'fia ei a tino i te koga talai ki te mekesini. Ko fakaaoaga ei a mataupu mai i te 'kava o Te Faleleoleo Maluga, kae 'kami atu a te kautaina ke tuku mai ne olotou manatu e uiga ki se fesili gali mo se tusi faitau. Ko fai ei se fakaasiga ki te auala e mafai ei o ofo atu te mekesini.

10 minu: Manakoga o te fakapotopotoga.

10 minu: Ne a Mea ne Tauloto ne Tatou? Se sau'talaga. Ke faitau te Luka 12:16-31. Mafau-fau ki te auala e mafai ei o fesoasoani mai te tala tenei ki te 'tou galuega talai.

Te Pese e 35 mo te 'Talo

Faka'pulaga

■ Tusi kolā ka ofo atu i te masina o **Iuni**: Ke fakaaoaga a tamā pepa konei: *Fakamafanafanaga mō Tino Loto Mafatia, Fiafia i te Olaga Faka-te-Kāiga, Ko Pili o Palele, E Fia Illoa ne Koe te Mea Tonu?* Kafai e fiafia tonu mai se tino, ke ofo atu a te akoga faka-te-Tusi Tapu mai te fakaaoagaga o te tusi ko te *Akoakoga a te Tusi Tapu*. **Iulai mo Aokuso:** Te Polosiu ko *Te Tala 'Lei Mai te Atua!*

Setema mo Oketopa: Te mekesini ko *Te Faleleoleo Maluga*.

■ E 'tau o suke i a Iuni a tupe a te fakapotopotoga mo tupe a te Komiti Tausi o te Kingdom Hall mō te masina o Mati-Me.

Pati Fakatomua Fesoasoani

Ke Kamata a Akoga Faka-te-Tusi Tapu i te Aso Ono Muamua i a Iulai

"Toeitiiti ko tino katoa i te 'tou fa'kai e fia ola leva kae fia'fia. Tela la, e fia iloa ne matou tou manatu e uiga ki te fesili tenei: E mata, e mafau-fau koe me e mafai o fai ne poto fakasainisi mo togafiti fakatokita ke ola leva tatou i se aso e tasi? [Faka'tali ki se tali.] Mafau-fau la ki pati kolā e fai mai i konei." Ke fakaasi atu te 'kava mai tua o te *Faleleoleo Maluga* i a Iuni, kae mafau'fau fakatasi ki fakamatalaga mai lalo i te fesili muamua mo se tusi faitau e tasi. Ke ofo atu te mekesini, kae fakatoka ke toe foki atu o sau'tala ki te suā fesili.

E 'tau o fai se fakaasiga ki pati fakatomua konei i te fakatasiga mō te galuega talai i a Iulai 6.

TE FALELEOLEO MALUGA Iulai 1

"E isi eiloa ne lotu a tino e tokouke kolā e fai'pati atu matou ki ei. Kae e fai mai a nisi tino me ko se toe fia tali'tonu latou ki lotu. E pefea ou lagonaga e uiga ki lotu? [Faka'tali ki se tali.] Ne tuku mai ne Jesu a fakamatalaga ke fesoasoani mai ke iloilo aka ne tatou ki ei se lotu. [Faitau te Luka 6:44a.] E fakamatala mai i te mekesini tenei a nisi fuataga ma'sei kolā ko oti ne 'fua mai i lotu. E tali mai foki i ei a te fesili tenei, E mata, e isi se lotu telā e 'tau o talitonu ki ei?"

Te Tala 'Lei Mai te Atua!

"E āsi atu matou ki kāiga takitasi i te otou auala tenei ke fakaasi atu se manatu fakamalosi loto mai te Tusi Tapu. E mafau'fau a tino e tokouke kolā ne fai'pati matou ki ei me kaia e talia ei ne se Atua alofa a logo'maega e uke i te lalolagi. E mata, e mafau-fau koe me i logo'maega se vaega o te fuafuaga muamua a te Atua mō te lalolagi?" Faka'tali ki se tali. Ka oti, ko 'suke ei ki te Mataupu e 5, ko faitau kae sau'tala ei ki te avā palakalafa muamua mo tusi fai'tau i mataimanu 'kese. Ofo atu te polosiu, kae fai a fakatokaga ke toe foki atu o sau'tala ki te suā fesili i mataimanu uli malosi.

Te Lipoti Toetoe o te Galuega Talai

● I a Tesema, ne maua ne Fiti se aofaki fou o paenia tumau e toko 355.

● I a Tesema, ne momea aka i se 8% a te aofaki o itula ne fakamāumāu i te galuega talai i te fenua o Tuvalu māfai e fakatusa ki te tausaga ko teka, kae e 29% i toe asiga.